



PRIMA SESSIONE STRASURDINARIA DI U 2019
1ERE SESSION EXTRAORDINAIRE DE 2019
31 DI GHJENNAGHJU È 1^{er} DI FERRRAGHJU
31 JANVIER ET 1ER FEVRIER

2019/E1/005

Dumanda posta da Sg. Jean-François CASALTA à nome di u gruppu « Partitu di a Nazione Corsa »

UGETTU : Ristrutturazione di u fondu di u golfu d'Aiacciu

O Sgiò Presidente,

Per via di a deliberazione di u 21 di ghjennaghju di u 2010 l'Assemblea di Corsica hà accunsentitu à u raportu 2010/E1/008 relativu à u sviluppu di u portu di cummerciu d'Aiacciu

Prividia stu pianu, in particolare, u trasferimentu di l'attività di trasportu di mercanzie à San Ghjiseppu è l'allarghera di l'imposti necessari à e manovre è à u staziunamentu.

Per via di a deliberazione di u 25 di lugliu di u 2013, l'Assemblea di Corsica hà accunsentitu à u raportu 2013/E4/140 appruvandu l'organizazione di i studii è a so pì-lutera nantu à a ristrutturazione urbanistica di u fondu di u golfu d'Aiacciu per un muntante totale HT de 460 000 eurò in u quattru di u PO FEDER, sicondu a spartizione siguente :

- Europa 47 %, vale à dì 216 200 €
- Cullettività Territoriale di Corsica : 53 %, vale à dì 243 800 €

L'aggruppamentu ritenutu per eseguità issa prestazione SCET /CYCLADES /SALINI /IN-STRADA – hà presu in contu in particolare i prugetti siguenti :

- u trasferimentu di l'attività di trasportu di mercanzie à San Ghjiseppu cun l'allarghera di l'imposti da sopra à u mare, l'accessu à u portu novu, a ripresa di l'accessu à u portu attuale (CTC),
- u tramutu di a gara ferroviaria à San Ghjiseppu, sendu cumpresu u so dipositu di mantenimentu, i so casali accessu è staziunamenti. (CTC),
- l'assestu di un TCSP (CAPA),

- u sviluppu di i porti di piacenza,
- l'assestu di a RN193 da viale urbanu, i crucivia cù i ritali stradali sicundarii (CTC/CG2A/Ville),
- A creazione di posti di staziunamentu .

Hà rializatu dopu un prugramma di cuncipitura chì hè statu presentatu à un cumitatu tennicu accugliendu i servizii di l'anziana CTC, di a città d'Aiacciu, di a CAPA è quelli di a Camera di Cummerciu è d'industria di Corsica sottana.

U mercatu hè statu pagatu à l'aghjudicatarium sicondu e prestazione eseguite.

E fase siguente chì privedianu l'organizzazione di un cuncorsu incù abbozzu permettia di ritene un cuncipitore è l'accompagnamentu casu mai di l'anziana CTC in u seguitu generale di l'operazione di travagli ùn si sò mai rializate perchè ùn ci hè statu accordu trà i sfarenti intervenanti.

Oghje ci tocca à interruggacci nantu à e seguite à dà à stu mercatu chì ùn hè mai statu compiu.

U riassetu di u fondu di u golfu d'Aiacciu hè un cartulare capitale pè a Città perchè purtarà suluzione in quantu à migliurà e cundizione di u trafficu, sendu cumpresu ogni modu di trasportu, trà u centru è a periferia da un latu, trà a città è a parte litorale da l'altu.

Hà da prupone per altu a valorizzazione di spazii publichi, urbani, paisaghjisti, chì in quantu à l'aspettu estetico è funziunale saranu vantaghji di prima trinca pè u sviluppu di a città è a qualità di a vita di i so abitanti.

Hà da permette di più fluidità, migliurà, imbellisce è apre cumunicazione à quartieri chì oghje sò pocu è male praticati. .

L'esempiu di l'impostu di a Gara chì e so pussibilità ùn sò manc' appena valorizate hè abbastanza significativu da chì ognunu appii una visione chjara abbastanza di e problematiche di l'imbusche.

Ben chì a Città, in quantu à noi, deve esse a prima cuncernata da l'assestu d'issu spaziu, tocca à a Cullettività di Corsica chì hè proprietaria di u ritale stradale nazionale, di u ritale ferruviariu, di i porti è di l'inseme di e prese situate trà u mare è a faciata custruita da u quartieru San Ghjiseppu à l'attuale crucivia di a Gara, di rilancià issu prugettu, sia rimittendu in anda u mercatu mintuvatu nanzu, sia iniziendu nove procedure assucendu tutti i partenarii istituzionali interessati pigliendu in contu e prossime scadenze bugettarie è i prugrammi nazionali di sustegnu à i cori di città.

O Sgiò Presidente, dapoi l'interruzione di u mercatu mintuvatu, vi anu sullicitatu a città d'Aiacciu, a CAPA o un antru intervenante per rilancià issu cartulare bluccatu da troppu anni è, in u casu cuntrariu, chì cuntate di fà per turnà à avviallu ?